

# Exercitatio DE RELIGIONE.

Illius nempe

{ Objecto, Actibus,  
{ Subjecto, Adjutorius, } Præmiisq;  
{ Normâ, Impedimentis, }

———— Separat hæc nos  
A grege Brutorum. ————

Juven Satyr.

*Ghon Sarah Gory*

Πλάτων ἱερουργεῖν ἐστὶν ἀδύνατον. Ἀγαθὸν, ὃ μυστήριον ἔστι Πλάτωνος.  
Plato in Minoe.

Mah-ahabti toratecha, Kol hajom  
hi fichati.

Psa. 119. 97.

Anno æræ Aurantiacæ, &c S. Religionis Liberatæ principio.

Londini: Excudebat B. Griffin, venalisque prostat apud Robertum Gellæ ad Pylam auream in vico dicto Chancery-Lane, & Joh. Laurentum ad Imaginem Angelis in vico dicto Poultry. 1689.

# RELIGIONE. DE EXERCITATIO

Illius nempe

Objecto, Adhibita  
Subjecto, Adjunctis  
Norma, Impedimentis  
Præmissis

Separatim nos

UNIVERSITY  
LIBRARY  
CAMBRIDGE

A grege Bant

729-19 Juven 29.19

Plato in Minoc.  
Hic est is qui in Minoc. Agitur, et in Minoc. et in Minoc.

Mah-abadi totatella; Kol hajom  
hi schar.

Anno ætæ Augustinæ, & 2 Religione liberare primo.  
Londini: Excudit R. Griffin, venditor professorum etiam Librorum Gildæ et  
hinc autem in vico dicto Chancery-Lane, de Joh. Lawrence et Indus  
magis in vico dicto Fenchurch, 1689.

**Filiolo meo. Sapere.**

**Q**uinquennium est, mi Ocelle, ex quo (tui studiosus) *Ontologiam* qualem qualem conscripsi. Istamq; capitibus quatuor absolutam. sc. de *Mundo*, de *Homine*, de *Rebus Hominum*, de *Religione*.

Sanus an secus, haereo; sed vel tunc dierum ad *Tanta* nisus sum. In te *Ascanio* stetit *Aeneae* cura omnis: & vilior mihi fuit *vita*, eruditione tua. Nihil agere non possem; neq; suboluit quid melius agerem, tunc cum non *insuavissime* feriari non possem.

Sed nec diffitebor, *Ansis* audaculus excidi fati superque. Neque mirum; quandoquidem a *Libris* procul distans, nec vel *ipsi* Mihi sat propinquus, illorum sat agebam. Nota loquor, *mea Lux!* inter malleum & incudem positus, exegi hoc operis. *Pagellae* enim primae venerunt obviam *amicorum* praestantissimorum *Mortes*. Nec mora, quoniam illas exceperant rei *familiares* *Brevia*, & *Syries*. Expectantissimos mei *carceres*, & *confinilla* taceo omnia.

Quapropter aversari identidem ager animus operam, & refugere centies, veluti cibum crudus & male habens stomachus. Qamquam non multo post tempore, omnia vicit tui *Amor*. Omnes in *via* *Leones*, tibi aliquantulum opitulandi *Spes* allectantissima.

Laudibus effertur suis, rerum *Parens* & *Salus*! *Tem-*



pora mutantur. Et noctua (quod dicitur) volavit non  
nulla. Vivitur sub Rege atq; Regina, (absq; antiphrasi  
Gallica,) CHRISTIANISSIMIS. Exuunturq; sa-  
cro sanctae Religionis vincula & compedes. Non, quod  
iam antè, vapulat Virtus, non exulat Pietas. Non  
Magni constat Honestum, non fugam minatur S. Evan-  
gelium. Beatissimi Servatoris Evangelium, nostri Parma,  
regis, Palladium, Papicolarum pestis, crux, exirum. De-  
us nobis haec Otia fecit.

Attamen aliorum mihi districtissimo, relambenda:  
Ontologiae otium non supererit. Lacticinii quicquid sit  
Religiosi quod hic comparer, extorserint, non cotidiana:  
Eruditionis viri seu Religionis. Fallit augurium forte,  
nec ad publici saporis gustum probe condiri, mox pa-  
lam erit. Intermiscantur forsitan & huic Lacticinio, quae  
non paucissimis pro Charientismo Anglico doctis.

~~Genuinum agitent non admittentia morsum.~~

De aliis minus laboro. At, quod tuum est, o multa-  
rum Precum fili, Excute te jubeo hoc Opella, & Vivere.  
In illustrissima Deo vivendi arte tantum Scimus, quan-  
tum Operamur. Qi Sapere pro Salvere inscripti, non, te  
Valere hic loci jubeo, mea vita! sed, pro gratia J. Christi,  
Sapere. Evadendum tibi opto & Evadendum. Qibus, si  
(quod absit) carueris, nec ipsa te servet Salus.

Cetera pauperrimus, sed dives

postis facior sacris Precibus

ERRATA. A tibi Pater.

P Age 13. lin. 17. dele est. p. 14. l. 13. lege Elementa.  
p. 17. l. 5. lege militare. p. 19. l. 12. lege Davidicum.

De



# De Religione.

**O** Pondus humanae indolis, impetusq; Amor. Quod tu pronus, præcept. devine, ruere! Extra te, *Infra* sunt, & *Contra*, quæ advolas! nec audit currus habenas. Ista /is tu diligere, ista te iare rea diligere, (tibi dormiens) *nescis*.

*Expergiscere* demens animi, & *Revertere*! in te, miserescentissimus tu. *Revertere*! sapere *aude*; atq; illo te eripe Orco, ad quem cruentissima damnavit *Vesania*. Apaga delirium, vitam apaga crastinam; Cui apud *Parthos* latet & *Armenios*. *Vive hodie*, & e vestigio sapere *aude*.

*Cosmologia* (præmissa) pars magna Homo est, *Etologia* (quæ jam antè comparuit) & prora, & puppis, Religio est. Homo, Mundi est *Topazium*, Religio hominis totum est. Agedum & in hoc toto totus esto.

*Mechania* hæc est illa, cui in dextra *Dierum* longitudo, in sinistra *Opum* cornucopia & honorum.

*Philologia* pariter est, cuius *Grammatica* præstantissimas secum trahit *Concordantias*; cuius celos aperit *Rhetorica*, claudiq; cuius *Poesis* incantat *Cœlites*; cuiusq; *Diabolicas* elidit *strophas Logica*.

*Philosophia*, hæc eadem est illustrissima! sua, nil fallax Ontologia est, *Metaphysica*; sua, Generationes omnium palam facit, & Corruptiones, *Physica*: sua, mores sacro Baptismate dignos format, *Ethica*: sua, interios quosdam cælos convertit casulas, *Oeconomica*: sua, Theocrateia omnino est, *Politica*!

*Mathematica*, hæc ipsamet Religio est; magni nominis mensuram implens *Mathematica*. Quid enim! cælestis Gratia longum, latum, & profundum, sua explorat *Geometria*. Quæque carnos fugiunt oculos, sua excipit *Optica*: Innumerabilia & inenarrabilia, in numerato sua habet *Arithmetica*: Omnia lance æquissima, sua collibrat *Statica*: Constringentem Pleiadum delicias Deum, Orionis loræque solventem; sua laudat *Astronomia* Mundi insulam, decempedâ non mendaci, sua metitur *Geographia*: unaque compingit secula universa, sua *Historia*.

*Medicina* certè quidem est; & morborum omne genus, per archiatron J E S U M, victrix atque supervictrix.

*Jurisprudentia* similiter hæc est; Pacis præstantissima superna, internæque, externæque;

*Theologia*, quæ nil majus meliusve, hæc est unissima! Quidquidem divinam Querunt veritatem alii, alii inveniunt aliquodammodo. Possident soli, atque cum ipsa rem habent Religiosi.

*Splendidis* æternum valedicito nugis, & septecolumnarem Religioni domum ingredi, O Pondus humanæ indolis, impetusque, Amor! Agendum; Objectum, Subjectum, Normam, Actus, Adjutoria, Impedimenta, atque Præmia addiscito.

Eja

Eja, (qorum est tibi Cópia,) *Aditus* reſera tuos! *Fo-*  
*res* fac pandant *Portæ*! *Clauftra* revelle! *Limina* pan-  
 de ſecretiſſima; *Teq;* (te digniſſima) introeant hæc  
 excelfa! *Ophirio* taxanda auro ſunt minime, *Sardiove*.  
*Sandaſtri* nulla, nulla *Unionis* mentio. aut mentientiſſi-  
 mi flammæ *Pyropi*!

Sed tu, *Pater luminum*, aſpira cæptis! *Lucem*, cæ-  
 teroquin *inacceſſam*, colis. Et per *tantam*, qo tu es, *Lu-*  
*men*, formidandæ oborientur oculis *Tenebræ*. Memi-  
 ſerum! qanta *infans* effari geſtio? Sublevet a tuo *Lu-*  
*mine Lumen*! Tuaq; in verba juratum, *Spiritus* aperiat  
 os mihi *tuus*! Da, *Pater*. *Dandi* ſcientiſſime, *Exprobrandi*  
 neſcientiſſime; da ſacris in literis nihil *falli*. da ſacris  
 ex literis nihil *fallere*! Faxit profuſiſſima in *JESU*  
*Domino* gratia! *Amen*.

OBJECTUM, Religio habet Deum. *Effentiam*,  
 Dei nomen loquitur, & *Relationem*, omni gentium con-  
 ſenſu. Intellectum obruunt noſtrum *Maxima*; fugiunt  
*minima*; ſat ſubeunt *neutra*. *Esſe Deum*, omni notiſſi-  
 mo notius eſt. Atqi quantus hic ſit, quantillaq; creatu-  
 rarum natio: qanta hujus *ſuper omnietas*, qantula ha-  
 rum *Infra nihilitas* ſit oportet; nec dici potis eſt neq;  
 cogitari. *Omnia*, Deus eſt in omnibus: Nec pars poteſt  
 eſſe, qi *Inſinitus* non poteſt non eſſe. *Deiq;* *Mundi*q;  
 entitas, *ſolius Dei* entitatem ne hilum ſuperat. Cæcutit  
 ad hoc jubar, mens qælibet! *Notius* autem nihil eſt,  
 qamqam nihil ferè *Ignotius*. Uſq; adeo dedecet  
*Vermiculos*, inter loquendum de Numine *typhus*.  
 Sunt qæ per *Specula*, & per *Ænigmata*, demisit ad  
 B 2 captum



captum coelestis Philanthropia. *Elohimq;* magni aliquatenus prendere Incomprehensibilia valemus.

Deum locuturus, *Ens Attributis septisarium, Relatione trinum* intelligo. *sc.*

*Ens Æternum*; Principii, fluxus, finis, abhorrentissimum.

*Ens 'Αυτοῦτον*; & vel a Seipso vel abs Alio quopiam incausatissimum;

*Ens Independens*; a sustentando procul & manutendo, non secus ac in *τὸ* esse producendo.

*Ens Necessarium*; quod & non fuisse non poterat, & non-esse non potest: faciente ingentissimā non-esse nequeundi potentia.

*Ens Omniperscriptissimum*; quoad sapientiam, potentiam, bonitatem; & attributa, (quod loqui amant,) cum *Decantata*, tum pleraque nobis humi repentibus *inaudita*.

*Ens Tri-Unum*; &, per sacros ubique *Codices, Trinonymum*. “Abi ad Jordanem & videris, dictum vetus tritissimum erat, scitissimumque Rotunde *H. Grotius*, (vir quantus!) “Sol, Lux, Calorque trina sunt, Unum “tamen. Vigere sapere. Velle, in uno sunt Tria. Quid multa! Radix Truncus Ramus, arborum sunt una!

*Ens Omni Operantissimum*; a quo, per quem, & propter quem sunt omnia.

*Relata* quod attinet; *Proprietarius, Rector*, atque *Benefactor* unicissimus est de quo verba facimus.

*Sub-Proprietarios, Sub-Rectorculos, Sub-Benefactorculos*, pro Libitu ordinat *Supremus*. Hunc au-

tem

tem unum qui non cogitat, Deum non ille cogitat, sed Figmentum.

Religionis Alpha & Omega, anima & omnia, Deus est. Ipsius Maximificatio, Omnificatio, & super-omnificatio, germana est, & sola (sine improprio) nostra Religio.

Ausculitemus Labiis, filii simillimis coccinei: Quid Terra præter te mihi! quid Polus offert colendum!

De Deo, balbutimus misere cis cælum Viatores. Omniq; carere Nescientiâ Calites, pernegat Eliphaz Temanites. Infimè se demittit Deus, in cultus aliquanti faciendo Archangelicos; demittit, si Psalmistæ fides sit. Attamen intellectus humani gloria, est Dei quantulacunq; notitia. Minima, minimissima esto! Pansophiam (si demus) reliquam, superat hæc minimissima. Parva non sunt parva, ex quibus proveniunt magna: sed ad Johanninam in Deo vitam, pollet minimissima hæc suppetitq; 1 Joh. 4. 16.

Quod autem nulla ignoret Ignorantia; cum querantur Pulcherrima, defatigatio est Turpissima. Inq; Deo querendo, impius qui non improbus Labor est. Quamquam post improbas vigilias, & intermissa nunquam studia, verissima fuerit Scaligeri calliepeia! sc. "Et nostræ pietatis & Dei immensitatis intererit, vel ea sentire quæ sentire non possumus.

SUBJECTUM Religionis, homo est; totus qotus. Nempe, Spiritus, Anima, Corpus. Subjectiva Religio, Dei est in omnibus Inhabitatio; ipsi in omnibus Conformitas & Morigeratio.

Nil aliud Antelapsaria, nil aliud Postlapsaria Religio.  
Postlapsaria

Postlapsaria omnis, *Christiana* est (secundum minus & magis,) *Christiana* erat *Adamica*; videsis *Protevan- gelium*, *Gen.* 3. 15. *Christiana*, *Noachica* erat Religio; *Abrahamica*, *Mosaica*, *Prophetica*, *Johannina*, & (quod dici non opus est) *Apostolica*. Martyrologian sacram adeat, quod levissime addubitat. *Hebr.* 11.

Religionem *Christianam*, duo constituunt. Nimirum, per *Fædus* Novum *Reconciliatio*; perque *Renascentiam* caelestem *Communio*.

Sed quid tum demum! Totius Hominis est, dicta *Reconciliatio*; totius, *Communio* dicta.

*Operum Fædus* deprædicatissimum, Homini perfectissime obsecuturo, *Vitam Æternam* est dignatum. *Gratuitum* verò Novum, Homini injusto, sed in Christum credituro, *Pacem* redintegratissimam, & salutem largitur sempiternam. *Deleto*, quod adversus Spiritum, Animam. Corpusque erat, *Chirographo*.

*Renascentia*, (quis nescit Alphabetarius!) *Peccatoris* in peccatis demortui, totius *Resurrectio* est; *Intellectus*, *Voluntatis*, *Memoriæ*, *Affectuum*, *Conscientiæ*, *Imaginatio- nis*; atque ipsius *Corporis*. Nova *Creatio* audit; & sacra *Templificatio*. *Attributorum Dei* (quomodo loquimur) *Communicabilium*, *Donatio*; *Incommunicabili- um* *Impressio* est. Hinc *Paulina* *Exuitio* veteris; novique *Induitio* (non partis, sed) *Hominis*. Hinc *Petrinum* divinæ Naturæ *Consortium*, Quæ non sæpius audio, quam totus fieri auris exopto.

Vah *Patinas* exteriusculum abstersas. *Sepulchra*, prohi pudor, dealbata! Vah factos *prope modum Christianos*!



*anus! sive (quod Hoseæ verbum est,) in matricis ore hæsueros.*

*Creavit totos Deus! totos Redemit, cedò? Revocavit idemq; totos? Certissimè: totos ideo, totissimos Justificat; totissimos Sanctificat; totissimos olim & Glorificabit.*

*Catholica Ecclesiæ Psalmodia, & perennis esto! "Sit  
" Parens rerum mihi carmen! illum Vox canat! Sensus pe-  
"tat! & remotis Quisq; est vigor FIBRIS, hunc hono-  
"ret! Mens Deo laudes canat, & INTIMUM omne!*

*NORMA Religioni, Voluntas Dei est Mandatoria, quocunq; modo innotescens, Voluntas. Sive Lex, Testamentum, fœdusve.*

*Illam, Codicibus sexaginta novem sacerrimis, egregiè propalari contendimus. Nec Verbum universale Divinum, istos tamen prædicamus. De Lege Naturæ, non sentimus non perhonorificè. Qandoquidem, tot illa mentis divinæ verba nuncia, personat; & tam grandia.*

*Abs Adamo ad Mosén, omnia vivâ voce sunt tradita. Mosaicis intercesserunt scriptis & Johanninis, anni (præter propter) bis Milleni. Abs Apocalypse datâ, vivæ vocis in vice, Sacram Scripturam coluit Ecclesia; colit, & immotissima semper colet.*

*A Cælo proficisci sacras paginas, non Hominibus mentiendi gnaris, centimodè evictum itur. Trigradatim fidem faciunt, Ecclesiæ testimonium, ipsiusmet Pagarum Genius, vorticordia Sacro Sancti Spiritus suada.*

*Verisimilimum, & certo proximum, id Testimonii reddit. Pientissimi vox populi, vox Dei sæpenumero audit & est.*

*Sa-*

Sacræ Scripturæ *Argumentum*, Deo dignum; *Sermo*, non Hominem sonans; *Scopus*, unâqalibet suitatis malæ umbrâ abhorrens; *Totius Structura*, *Partiumq;* Harmonia; eloquentia sunt, quæ non immanitèr invitissimis, *suadet* dixero an *cogit* fidem! Solis Luci, Luce aliâ monstratrice opus non est: Neq; alia quavis Scripturarum fulgori videtur Opus.

SS. *Spiritus suada*, per crimen nostrum necessaria fit. Non hæc iota lucis, affundit luculentissimis antè literis: nil minus. Nostra, *præjudiciorum* neqam glaucomata tollit; pessimamq; quæ laboramus, *hebetudinem*: acumen nobis, aciemq; impertit cœlitus. Nec alimodè extra dubii aleam, S. Scripturæ summovet originem.

At pessimè sibi cavent otiosuli; qui in S. *Spiritum* omnia conjicientes, suam in sinu recondunt *manum*. Non is *male*, *aliud*, seu *nihil* agentibus insidet. Neq; *tenebris* nos antè eximit, quàm ad *studia* accendit.

Intelligo præ aliis, *Testimonii* triplicis non contemnendi studia. *Viz.* Illius, quod sacræ scripturæ perhibuit *Deus*; alius, quod *Ecclesia*; atq; alius, quod, in maligno positus semper, *Mundus* perhibuit.

*Dei* testimonium, quæta eloquuntur *Miracula*! & quàm illustritèr? *Verbi*, *supra omne Nomen*, *elatio*, eloquitur, (super omnia *Creationis*, omnia *Providentiæ* opera, omnia insignitèr ineptientis *Philosophiæ* artificia.) Quamroperè insuper, ad ultimam *Thulen*, *propagatio* eloquitur? *Et facta tecta*, in mediis malis, *conservatio*! Atq; hæc, *dolis politicis* nullis, *insultibus Bellicis* nullis, *Veneribus Rhetoricis* nullis, *paralogismis Logicis* nullis. Unicum *Josæ* sub

suo tempore, & *Bibliorum* exemplar supervixit: ceterorum interfectione supervixerit. In omnium ad unum panolethrian, non unus post juravit *Antiochus*, non unus *Diocletianus*. Thus, odores, scambros, perpeffa sunt superantia numerum milia, ac sepe sumcro Antamox (inferorum portis pudori sit,) mille post mortes vivit! Depressa resurgunt Biblia vere Palmaria! Occidere posse Biblicos soles, & Redire, vident orbi. Viderint, ruptis saepe illis, furibundi noctis & tenebrarum filii.

*Ecclesiam* quod spectat; *Bibliorum* Laudicinio illa replet omnia. Semen illa suum agnoscit, *Iesu Christi Verbum!* Lat, Cibum, Aurum, Gladiis, Ignem, Lucem, Pluviam agnoscit! Nihil non *Urile* suum, nihil non *Dulce* agnoscit. Atq; ob hoc Verbo aservandi, quos non illa Entes, Rotas, Pontos *Passa* est, & val. *Fruita*? Quos non Funes, Flammis, Panibula, Vivicombura? ip. Quod ad *Mundum*: Univerfus huius *Biblis* assurrexit venerabundus, nec parimodeq; *Venite* testes, *Prothma Philadelphi* aurei montes! Montes, inquam, quibus; *Bibliorum* depereuntissimus, non pepercit. Aureum *Osse* argentea superimpositum *Pelion*, accoemerit *Mosen*; aureum *Hagiographa*, aureum item *Propheas*. *Venite* Latrocinia, e *Bibliorum* Latifundis iniquissima! *Hottierica* volo, *Platonica*, *Aristotelica*, ac alia sexcenta. Nam Plumis indueret se *Biblicis*, quicquid; fere cornicula *Gentilis*. *Venite* insuper & vos o milia terris caeli, carlisq; terrae, ob formidatissima haec *Biblia* nobis subducenda! Formidarunt, quod fassi sunt, Olores, ineluctabilem, & flexanimam super omnia Veritatem. Oh



magnis clarissima, & *Amicitiiis*, & *Inimicitiiis*, Biblia !  
*Testamentorum*, *Fæderumq;* nominibus, Biblia vulgo  
 insignimus. Utpotè qæ *Jesu Domini* Testatoris, *Testa-*  
*mentum* prius editum, & posterius, complectuntur. Nec  
 non *Fædera*, qæ Deo cum *Homine*, & pro *Homine* cum  
*Theandro* intercesserint.

Nil homini Loquitur Deus, extra *Fœdus*. Verbumq;  
 (o *Laudes* ubi estis, & *Gratiarum actio*?) non *Signa-*  
*tum* & *Sigillatum*, non emisit. Nusquam in sacrâ pa-  
 ginâ *Verbum*, seu *Evangelium* memoratur, quin *Sacra-*  
*menta* ferè subintelliguntur. sc. Et aliud *Regenerationis*,  
 & alterum *Nutritionis* *Sacramentum*. Istis exutum  
*Signis*, *Evangelium*, *Sigillisq;* istis, aliud *Evangelium*  
 diceret ausum. Quid utinam attenderent, *Sacramento-*  
*tum studiosi* parum, & nil memorantissimi stipites!  
 qui ubiq; locorum sciant stipites.

*Operum*, *Redemptionis*, & *Gratiæ*, tria clarent *Fœde-*  
*ra*. Erat *Operum* illud prius, in qo Deus vitam spof-  
 pondit, saltem *Paradisiacam*; integer vitæ si ageret Ho-  
 mo, scelerisq; expers omnis: *Homine tunc temporis*  
*pollentissimo*, id in se recepturo. Arborea nemo nescit  
*Sacramentarias*.

*Redemptionis* qod Legitur *fœdus*, cum B. Servato-  
 re ictum; erat in qo Deus, Christo gaudium, Ovi-  
 busq; suis salutem ost pollicitus; ille *Naturam* huma-  
 nam si assumeret, *Iustitiam* omnem impleret, *Interces-*  
*sionis* item munus in cælorum cælis obiret: Christo  
 qoq; ista sponsuro.

*Gratia* foedus, *Redemptionis* foederi superstructum est, in quo *Iustitiam* (*Imputatam* atq; *Infusam*.) *Gloriamq;* immortalem, peccatoribus stipulatur Deus: in Christum modo rite credant: Peccatoribus, id ipsum restipulaturis. Huic Foederi (*supra Laudes posito*.) Signa sunt & Sigilla, *Baptismus* sacer & *Cena* sacramentalis.

Foedus hoc quam præstantissimum colit, & ad id tota se componit, *Christiana Religio*. Ad signatum id Sigillatumq;: neq; enim (quod amentia est) seorsim rem *Scripturariam* attendit, vel *Sacramentariam*. Coniunxit Deus; *Sola* divisit, & *stultissima* Improbilas.

Proximum *Atheismo* gradum, *sine Fundamento Fidem* reputamus. Quam sequitur carens *Sacra Institutione Cultus*.

Patroparodota maximi facit *Superstitio*: Theodotis, seu, quod idem est, *Biblicis*, posthabet & postponit *Religio*.

De Minutiis autem re verâ minutis, nullas ciet *Tragædias Religio vera*. Nec suâ se jactet in aulâ, fanaticus de *mentha* & *cumino* altercandi *Æolus*. In quibus *cardo salutis vertitur*, in his *Religio oleum*, in his *Operam*. Quod ad *adiaphora*, quæ nec *Prosumt* nec *Obfunt*, viderint quæ vacant! Occupantur *Religiosi*.

ACTUS Religioni sunt tergemini. *Fidei*, *Spei*, & *Amoris* sacri Actus.

*Nova Natura*, Religio est: & cujus *Esse* est propter *Operari*. Propter Operari in Deo multifariam *Imitando*, omnifariam *Obediendo*.

*Præcepti, Medii, Finis, & Natura*, quadrupla operum bonorum Necessitas est. Hæc Vult, hæc Juber, cujus mille rationes *Voluntas* sola complectitur. Ad *Gloriam divinam*, hæc conducuntissima sunt; ad *Salutem* uniuscujusq; propriam; ad alienam & *Edificationem*. Horsum tendebant; atq; hæc eadem volebant *Electio, Redemptio, Vocatio, Justificatio, Sanctificatio*, nec minus *Glorificatio*. Hæc deniq; (oh felix Necessitas!) tam necessaria sunt quam *Libera Bonorum bonitas*.

Sed proh dolor! *Species recti* (dolus delusi) decipimur. Pro *Junone* captantur *Nubecule*, *Rachelis* in *Loco*, *Lea* amplexatur multa plurima. Atq; ipsa habentur *Religio* inter non paucissimos, quæ sui nihil sunt supra *Pe-dissequas*.

*Sacri Verbi Auditio, Lectio, Precatio sacra, Sacramentorum celebratio, & Consanguinea*, quæ sunt omnia! *Fidei* certè, *Spei, Amoris*; (& *Ingenerandis, & Alendis & Promovendis*.) famulantur. Neq; plus *Religio* sunt censenda, quam ipsa *Regina* habenda sunt quæ circumstant *Ancilla*.

Clanditur in tribus, *Religiosa* (propriissime) *Praxis*. In *Oblatorum* a Deo, pro *Eodere* gratioso, *Receptione*: in *Pollicitorum*, piâ *Prestolatione*: in *Postulatorum* simili *Redditione*. Oblata dicta, recipit *Fides*; Pollicita, *Spes* præstolatur; Postulata, (satis *Decalogo* faciens & *Evangeli*o,) *Amor* reddit.

Ex his *Amicitia* constat omnis; *Communio*, & quicunq; intercedere potis est *Cultus*. Hæc quoties defunt, *Arietum* holocaustis satur est Deus, *Suffitus*, odio est.

Tadio



Tædio *Nocturnia*, & *Sabbata* sunt tædio. Stultas abominatur anima *Ferias*. Repetita perenniter nil profunt *Sacramenta*; nil *Jejunia* inter Precandum crebra; nil annumerata Pauperibus tota *Supellex*; neq; quidpiam tradita, ut ardeant, *Corpora*.

Laudata verò *Fides*, *Affensus* Dei Verbo est, *Consensu* locupletatus & *Fiducia*. *Spes*, (Fidei pulchræ nata pulchrior,) bonorum est, in eo Verbi promissorum, *proba Præsumptio*. Quæq; Viatoribus, patriæ cælestis quasi Possessiuncula est. *Amor*, est animæ (cui sine Deo nec Vivere nec Valere vita est,) versus Deum motus, in Deo Qies.

*Substantiam* præterire, unaq; Religionis *Accidentia* non flocci facere Perditissimorum est.

Quantum quisq; indies, *Quasi-viderit* Deum & Cælitæ: quantum Cælos solertè, *Quasi-intraverit*: quantum (*Abrahamus* alter,) *Isaculos* suos *Quasi-immolaverit*: nã is est tantum, neq; plus hilum Egerit religiosè.

*Subordinata* (nec oblitus sum,) non pugnant. Quinimò & quando Aliud est propter Aliud, vix & ne vix Aliud est. *Magnalia* Laudata q̃ animitus coluerit, *Subordinata* idem & medullitus retinuerit & *Mordicus*. *Sacra Biblia*, *Sacramenta*, *Sabbata*, non is vilipenderit. Illi in Tabernaculis Dei *Sol* unus, *seculis* erit pro milibus. Nec antè metus fuerit, q̃am *mediis* amabilitatem *Finis* subduxerit!

ADJUTORIA Religionis tria sunt. sc. Ministerium S. *Spiritus* Operabundum, Ministerium *Operum* Dei Objectivum, Ministerium *Hominum* Ratiocinativum ‡

vum: (five *Interpretativum*, *Argumentativum*, atq; *Suasorium*; ad *Intelligentiam* faciens ad *Fidem*, ac ad *Praxin*.)

Bonum, quia Homines, *esurimus* omnes. *Venatumq;* aliquodammodo omnes imus. Qamquam in *tramite* non uno nec *passibus* æqis fudatum est. Uno summi boni voto vivitur: at qui *Iter* unicum faciunt, *Vias* supramillenas faciunt. *Corvos*, Luto testaq; sequuntur alii; cælosq; sibi pollicentur suis illocatos corniculis. Ad omnia *Lentè satis festinant* alteri, vel *Epimenidis* somnium dormientes. Perq; id somnium se introituros *Elysium* somniant hæc paucissimi laboris mancipia.

Horresco referens. In peccato *Concepti*, *Nati*, comparémus. Ipsa a nobis *ignorantia* ignorantiam difficat: *Pervicacia*, *pervicaciam*; *Benefaciendi impotentia*, *impotentiam*. *Misella Rationis*, *misella Arbitrii liberi* ruina, relicta est. Non uvas, *Spinæ* pariamus. *Æthiopes*, (nec quoad dentes albi,) pelles exuere nil *Callemus*, *Volumus*, aut *Possumus*. Et ad Deum sine *Suppetiis* a Deo, perveniri nulloperè potest. Aboleri *Peccati lex* abripientissima, non potest; abhorreri *Operum fædus* mortiferentissimum, non potest. Perpendite sultis qui diversissime sentitis, *Gal. 4. 21.*

Videamus ergo aliquantisper, salutis hæredibus in viam reducendis, quid Deus:

Delegatur (a *Patre & Filio*), *S. Spiritus* per omnia *Manuductor*. Omnia hic in omnibus operatur. Bona *Inchoat* omnia, *Tuetur*, *Provehit*, *Perficit*. *Habitus* hic *Infundit*; *sacra*q; idem *Actiones* *Elicit*. *Docet ignaros*; *Memoriam refricat doctis*; *Beneagendi zelo incendit Memores factos*; *Operum*

Operum bonorum *Zelatores*, gaudio perfundit inenarrabili. Attamen, quod altâ mente reponendum est; id omne *per nos* operatur, quicquid *in nobis* Paracletus operatur. Et certè quos nulla *fatigat Industria*, nulla hos *excolit Inspiratio*. Desidiosorum *Philosophia* nil aliud est quam Scotoma: & *Religio* tota Vertigo simillima.

*Creationis* etenim opera & *Providentiæ*, perscrutari jubet exquisitissimè! Jubet, inquam, qui condocentissima fecerit omnia. Inficias nemo iverit, qui hæc *Biblia* verè altera introspexerit. Visibilia invisibilium Dei *Specula*, hæc & *Monumenta*. Qui in *Toto* ac *Partibus*, *Maximis*, *Mediis*, *minimisq;* animadverterit: qui *Elementata* atq; *Elementata*, Deum sensibus ingerentissima, perpenderit! Qui, quo in Loco mundi res *stetere* abs incunabulis; quo jam nunc *stant*: & quo decursuri temporis in periodis sunt *statura*, investigaverit. Maximè, qui, quo in Loco per sæcula sempiterna sistet *Oeconomus*, animo volverit: nec tumultuariè.

Stultorum, damus, hæc *Ludicra* sunt: at Sapientum *Biblia*, & *S. Bibliorum Scholia* illustrantissima. Scripturam *male* Legunt, Naturam qui *non* Legunt.

Qui & Deo grates *Philanthropo*, Hominum supervenit Ministerium. Ministerium *Familiæ* succurrit: *Parentum*, ac *Herorum*. Ministerium *Reipublicæ* subvenit; *Regum*, atq; *Magistratum*. Ministerium *Ecclesiæ* colligit, plantat, rigat: *Episcoporum*, *Doctorumq;*. *Amoris*, primum; *Potentia*, secundum; *Sapientiæ*, tertium dicitur Ministerium.

Nunc .

Nunc autem, *Habitatores Hierosolymarum & Viri Jehudæ* singuli! *Deum inter Vineamq;* judicate! *Ecquid faciendum Vineæ, quod non fecerit sat abunde?* Nulla certe *Desunt, Supersunt* Nulla?

**IMPEDIMENTA** Religionis, *Caro* sunt, *Mundusque, Satanasque.* Religio postlapsaria, pura puta est *Militia.* *Dux, Emmanuel* est bellicosus. *Milites*, universi sunt sui *Sequaces.* Pro *Panopliâ* sunt, *Veritatis* cingulus, *Justitiæ* thorax, *Fortitudinis* ocreæ & *Patientiæ, Fidei* scutum, *Spei* galea, *S: Verbi* machæra, *Precum sacrarum* (si dicam) *Impetarda!* *Hostes* concersandi, sunt, jam dicti.

*Caro*, est *Corpus* ipsam, quatenus *Animæ* plus æquo charum: *Anima* etiam est *Sensitiva*, quatenus *Rationali* rebelliosa: *Rationalis* quoque est *Anima*, in quantum *sensibus* (sui impos) est dedita: Fallor, an omnia satis exprimit *vox Suias.* Nec quid aliud est hæc *Caro*, quam totius hominis *Deordinatio*: seu a Deo, ad semet *Deflectio.*

*Mundum* confarciunt antedictum, bona per se trifaria: sc. *Naturalia* infima, *Sensualia.* & *Intellectualia.* Uno verbo, *Utilibus* ante habita *Dulcia.* Sua, crimine vacat omni *Natura*: peccat una, quæ in nobis furet, *Pica, & Erotomania* gravis.

*Satane* nomen *Legio* est. *Angelis* non is caret, *Filiis, Subditis, Operariis.* Qis non vicus abundat *tribus!* *Cælis* exulant non omnibus; *terris* certe quidem nullis. A *Cogendo* nos, parum absunt; *Suadendi* peritiam nil superat. Nota sunt *bis decem nomina*, in *Codicibus* sacris reperta: non obscure *Diabolorum* ramq; bellaq; connotantia. Atq;



Atq; hæ sunt, quibuscum Lucta est, *Copia*. Harum per *agmina* in fugam versa, cælum irruitur. In fugam versa, dico; cumq; *Agni sanguine & Testimonii* sermone debellata. Hæc contra, *dulce expertis Bellum est*. O *Jesu Christi* unusquisque, "*Disce miles mititare!*"

PRÆMIA Religio, irriguum *Inferius* habet & *Superius*. Utrumq; e *Gratiæ* cataractis promanantissimum. Ipsius *Gratiam* volo, cui non una unica in abyssio misericordiarum Benedictio.

Atheorum e contra *Suppositio*, nil ponit in *Esse*; contragarrula aliquorundam *Oligopistia*, nil ponit. *Durum* qi occlamaverit Deum, *Solem* is nigerrimum, *Oceanum* & occlamaverit pumiceum.

*Peccatores* sanè quidem *contumaces*, non *Odio* prosequi non potest. Mentiri nescit *Veracissimus*, moriq; vitalissimus; nescit injustus esse *Justissimus*. Sed qd *Fideles* spectat suos, hyperbolicam qid accedat ad munificentiam? Molliissime dicam; non habent cur *Hierarchiis* vel *Angelicis* invideant. Tantâ beneficiorum mole, hominum mendicabula obruit undiq; *Gratia*.

Qin & ab hæc *Demerendo* longius absunt mortalium *Optimi*, qàm a *Depascendo* pessimi. *Mysteriosa* res equidem, a Deo *Meritum* est: & mysteriosissima, *Meritor*, qem agnoscimus, *Persona* est. *Solius Christi* Domini intuitu, Deum credimus *Remuneratorem*. Abs indito S. Spiritu, *beneficium* unumquodq; confert Deus per modum *Præmii*. ed qæ *Præmia*, (præeunte S. Scripturâ,) nuncupamus, *Dona* eadem, (præeunte eadem,) gratuita arbitramur.

*Dona hæc, seu Præmia collata, pro Periodis bis duabus solentissimi spectamus.*

Prima sunt, quæ *halitum novæ naturæ primum excipiunt.* Hæc in antecessum data, & antecænium Præmiola, extollit *gentium Doctor.* Scripturus, *Neg; hæc vidisse oculum Evangelii inopem, nec audisse aurem, nec invenisse Cor humanum.* Cujusnam commatis sunt, quærentibus, respondet *ipissimus.* *Omnia sunt vestra, & Paulus, & Apollos, & Cephas, & Mandus, & Vita, & Mors, & Præsentia, & Futura. Omnia sunt Vestra.*

Erogata derepente post moriendum Præmia, sequuntur. In Cœlis, *domus non manufacta: domi-victa cum Domino vita: Angelorum necessitudo, & cælestis confarreatio: Abrahami & cœlicolarum Sinus: Visio, præ quâ caligo est mera, subsolaris encyclopaideia: Assimilatio, cui, si compares, rejicula res est Sanctificatio: Sensatio quædam infanda, Coronis, Thronis, & Stellis matutinis digna.*

In Resurrectione, grandiora superveniunt Præmia. Corporis, gloria suffusissimi Reunitio: Personæ, honorifica coram mundo omni Justificatio: Mundi reprobi, cum Humani tum Angelici, *Condemnatio!*

Novissimum post Judicium, præmia quis referat? Dei, Gloria regnum regnantissimi, *Fruitio: Jesu Domini, Fruitionis sub eo Regni Mediatoris, Intuitio: Cæli numeris omnibus absoluti, Possessio: Mundi, ad coronidem perducti, Appetatio.*

Gloria, sive Gloriosam nescio quid sensibile glorificata circumdabit Corpora. Quid enim Oculus sine Visu? quid Aures absq; auditu? Et quis, sine visibili, visus? quis, sine

sine audibili, *auditus?* Sed me reprimo: qid futurum est ut simus, vel *Christo didactos* latuerit *Apostolos*.

Heu *Miseros*, sub reatu ac imperio Peccati, idq; insensanter acturos! O *beatos*, hyssopi, aspergine *Lustratos*, & cælitus *Regenitos?*

Majora hi consequuntur *Gratiâ Gratis data*, qàm qæ *Traductâ* labe abligurierant, & *Contractâ*. Superabundavit id gratiæ. Nec ipsius *Gehennæ* tanta esse *tormina*, qanta *Cæli gaudia*, æqi putemus. Qandoquidem *creaturculæ delicta*, ista flagellant; *Obedientiam* hæc *Theanthropinam* rependunt. *Higgaion* ô ubi es? Et *Selah* qorsum abes *Dividicum?*

Eia agite, qi Deum *colitis*, *Religiosi!* qi *Veneramini*, non *Adulamini*, numen *Trinunum!*

Qi	{	<i>Patrem,</i>	tum	{	<i>Spiritu,</i>
		<i>Filium,</i>			<i>Animâ,</i>
		<i>S. Spiritum,</i>			<i>Corpore,</i>

Pro	{	<i>Lege.</i>	in	{	<i>Fide,</i>
		<i>Testamento,</i>			<i>Spe,</i>
	{	<i>Fœdere</i>	{	<i>Signato</i>	<i>Charitate,</i>
		<i>Sigillato,</i>			

Cum	{	<i>S. Spiritu perpetim invocato,</i>	contra	{	<i>Carnem,</i>
		<i>Operibus Dei observatis,</i>			<i>Mundum,</i>
		<i>Ministris ritè auscultatis,</i>			<i>Satanamq;</i>

Ad	{	<i>Throniq;</i>	{	<i>bonorum consecutionem,</i>
		<i>Scabelliq;</i>		

Et

Non sine } *Relativa* } Sanctitate  
               } *Habituali* }  
               } *Actuali* }

Et } *Verè* } colitis!  
       } *Integrè* }  
       } *Perseveranterq;* }

Descendant fortè *Nimbi*; conscendant *Flumina*; concursent *Venti*, unà *Eurusq;* *Notusq;*. Esto. Qm̃ *Lapidi debent vestro, & solvent angulari Ludibrium!*

Agitè boni! & vos *Juventa* florea, *Senesq;* in ultimo vitæ *Limine* exituri! claris tubæ clangoribus Dominum Laudate; nabliis, & *Lyris*, & tinnitibus cymbali *Lætis*, Laudate!

Hæc est te q̃ærentium generatio, tuam q̃ærentium faciem, ô *Jesu Christi Pater!* O terq; q̃aterq; fælicifimos, hoc in *Loco* positos! Qorum *Jehova Deus* est; & quibus non est tuas clangendi *Laudes, Benedictiones, Tehillah, Tephilla, & Hallelujah, Hallelujah*, per *æcula sæculorum. Finis.*



